



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Christi prædicantis Euangelium. Ode Diclos Tetrastrophos.
XLVII.

urn:nbn:de:hbz:466:1-44973

HVMANAE SALVTIS
NATVRAE INNOVANDAE ARGVM.
Sordet quicquid habet mundus cum munere Christi
Collatum; nec iam quæ placuere valent.

CHRISTO CVRATORI BENIGNOS.

In tabulam Christi prædicantis Euangelium.

Ode Dicolas Tetraphos. XLVII.

Productum populis de sapientia
Patris consilium filius incipit
Enarrare, bonus dicere & algida
Dicitis vrere pectora.
Nam qualis calido lumine ab ætheris
Alta sede humiles sol penetrat domos
Terrarum, variisque exagitat potens
Tentatas species modis;
Cùm plumbi & chalybis grandia semina
Concrescunt validis æcta vaporibus,
Sed ceræ faciles & tenerr niues
Decursu fluido liquent:
Talis sermo Dei mentibus inditus,
Obdurata premens æra superbiæ,
Marcentes animos sed dociles fouet
Vita munere prospero.
Non ex ea ambitio, non amor improbus
Rerum quas studiis appetit ultimis
Vulgus, non animi luxuries capit
Sancti commoda nuntijs:
Sed quos dura hominum sollicitant mala,
Vel vitam puduit ducere turpibus
Infectam vitiis, vel timor obligat,
Cura & iustitiae tenet.
Hi (quanquam exiguum) pectora viuido
Semen concipiunt quod cumulos creat,
Quæcæ externa parens horrea compleat,
Et diuini exhilaret choros.

DIVINAE DISCIPLIN. SCHOLA.
Quas fugiat mundus rerum sunt commoda tanta?
Sic est: sed stultis non sapit ista seges.

SIMPLICIVM DOCTORI OPT. S.